

BJØRN KRISTIAN EGGESVIK HOLME
Holmen 34
6829 HYEN

Vår dato: 07.10.2022

Vår ref.: 201301363-31 Oppgi ved kontakt

Dykkar ref.:

NVE gjev utsett byggjefrist til Sessaelva kraftverk i Gloppen kommune

Vi viser til søknad frå Torill Solheim Holme datert 21.01.2022 om utsett byggjefrist for Sessaelva kraftverk i Gloppen kommune.

Bakgrunn

NVE gav konsesjon til Sessaelva kraftverk i vedtak den 26.06.2017. Det følgjer av vassressurslova §§ 27 og 19 andre ledd og vassdragsreguleringslova § 15 at konsesjonen fell bort dersom ein ikkje er i gang med å byggje innan fem år frå konsesjonen blei gjeven. NVE kan forlengje fristen med inntil fem nye år.

Søknad

NVE har mottatt følgjande søknad frå Torill Solheim Holme:

«Viser til telefonsamtale med Joachim Kjelstrup og sender herved en søknad om forlengelse av vassdragskonsesjon. Ønsker å forlenge konsesjonen i ytterligere 5 år.»

Søknad om forlengja byggjefrist blei sendt NVE før opphavleg frist gjekk ut.

Høyring

Søknad om forlengja byggjefrist har vore på høyring i Gloppen kommune, hjå Statsforvaltaren i Vestland og Vestland fylkeskommune for utsegn. NVE har motteke fråsegn frå Gloppen kommune som skriv i e-post av 29.08.2022 at dei ikkje kjenner til nye forhold i det aktuelle området som kan ha betydning for gjeldande konsesjonar. Statsforvaltaren i Vestland uttalte følgjande i brev til NVE den 22.09.2022:

«Statsforvaltaren i Vestland har ikkje opplysningar om viktig naturmiljø eller anna gjeldande våre ansvarsområde som ikkje var kjent i konsesjonsprosessen for Sessaelva kraftverk. I høyringa påpeika vi at kartlegginga av naturmiljø blei gjennomført så seint i sesongen, at det ikkje var dekkande for karplanteflora og fugl. Det er likevel ikkje sannsynleg at nye feltundersøkingar vil gi nye tungtvegande funn som får noko å seie i konsesjonsvurderinga. Med vassveg i tunnel, og krav i konsesjonen om noko mindre slukeevne enn prosjektsøknaden la opp til, blei det



vurdert at konsekvensane ville bli akseptable for bekkekløfta med verdi lokal viktig (C) og fjordlandskapet.

Vi vil ut frå dette ikkje rå frå at det blir gitt utsett byggjefrist for Sessaelva kraftverk.»

NVE si vurdering

Ein søknad om utsett byggjefrist inneber ikkje ei ny samla vurdering av fordelar og ulemper ved tiltaket, slik det blei gjort i handsaminga av konsesjonssøknaden. I sakshandsaminga om byggjefrist skal NVE berre vurdere om det har kome nye eller endra omstende etter at konsesjonen blei gjeven. Dersom det kjem fram ny vesentleg informasjon, kan NVE avslå ein søknad om forlengja byggjefrist. Eit sentralt moment i vurderinga vil være om ein kan sette nye vilkår som kan avbøte ulempene. Etablert forvaltningspraksis som er gjeve av forarbeida til vassressurslova og den reviderte vassdragsreguleringslova, gjer at det likevel er rimeleg å utvise omsyn når ein forlengjer byggjefrist.

Søknaden om forlengja byggjefrist har vore på høyring i Gloppen kommune, Vestland fylkeskommune og Statsforvaltaren i Vestland for utsegn. Gloppen kommune og Statsforvaltaren i Vestland har svara at dei ikkje kjenner til nye forhold i det aktuelle området som kan ha betydning for konsesjonane. NVE har også gjort søk i Naturbase og Artskart. Vi kan ikkje sjå at det er kome fram ny informasjon som gjer at søknaden om forlengja byggjefrist bør bli avslått.

Vi minner om at dette vedtaket berre gjeld byggjefrist for kraftverket og ikkje anleggskonsesjon, som må gjerast i eigen søknad.

NVE sitt vedtak

NVE kan ikkje sjå at det er kome fram ny informasjon som gjer at søknad om forlengja byggjefrist for Sessaelva kraftverk bør bli avslått. I medhald av vassressurslova §§ 27 og 19 andre ledd, samt vassdragsreguleringslova § 15, blir byggjefristen forlengja med inntil fem år, til 26.06.2027.

Dei andre vilkåra er dei same som i løyve av 26.06.2017.

Om klage og klagerett

Sjå eige vedlegg om klageadgang.

Med helsing

Inga Nordberg
direktør

Carsten Stig Jensen
seksjonssjef



Dokumentet sendes uten underskrift. Det er godkjent i henhold til interne rutiner

Mottakarliste:

BJØRN KRISTIAN EGGESVIK HOLME

Kopimottakarliste:

Gloppen kommune

STATSFORVALTAREN I VESTLAND

VESTLAND FYLKESKOMMUNE



Orientering om rett til å klage

Frist for å klage	Fristen for å klage på vedtaket er 3 veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket. Det er tilstrekkeleg at du postlegg klagen før fristen går ut. Klagen kan ikkje handsamast dersom det har gått meir enn 1 år sidan NVE fatta vedtaket.
Du kan få grunngjeving for vedtaket	Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.
Kva skal med i klagen?	Klagen bør vere skriftleg. I klagen må du: <ul style="list-style-type: none">• Skrive kva for vedtak du klagar på.• Skrive kva for eit resultat du ønsker.• Opplyse om du klagar innanfor fristen.• Underteikne klagen. Dersom du brukar ein fullmektig, kan fullmektigen underteikne klagen. I tillegg bør du grunngje klagen. Dette betyr at du bør forklare kvifor du meiner vedtaket er feil.
Du kan få sjå dokumenta i saka	Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.
Vilkår for å gå til domstolane	Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klagt på vedtaket til NVE, og klagen er avgjort av OED som overordna forvaltingsmyndigheit. Du kan likevel gå til søksmål dersom det har gått 6 månader sidan du sende klagen, og det ikkje skuldast forsøming frå di side at klagen ikkje er avgjort.
Sakskostnader	Dersom NVE eller OED endrar vedtaket til din fordel, kan du søke om å få dekkja vesentlege og nødvendige kostnader. Du må søke om dette innan 3 veker etter at klagevedtaket kom fram til deg.
Kven kan klage på vedtaket?	Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.
Kvar skal du sende klagen?	Du må adressere klagen til Olje- og energidepartementet (OED), men sende han til NVE. E-postadressa til NVE er: nve@nve.no. NVE vurderer om vedtaket skal endrast. Dersom NVE ikkje endrar vedtaket vil vi sende klagen til OED.

Denne forklaringa bygger på forvaltningslova sine reglar i §§ 11, 18, 19, 24, 27 b, 28, 29, 31, 32 og 36.